

Ilinniakkap naammassereernerata kingorna nuna najugaq


Ilinniakkamik naammassinnittartut amerliartortillugit, nunamut allamut ilinniariarlutik aallartartut aamma amerliartorput. Pingaartumik ingerlariaqqiffiusumik ilinniarfinni ilinniartut aallartarput, nunatsinni ilinniakkat amerlasuut ingerlanneqarsinnaanngimmata. 2003-miit nunami allami ingerlariaqqiffiusumik ilinniakkamik aallartitsisartut 2022-mi amerlassusaat 46 pct.-imik qaffassimavoq.

2022-mi ingerlariaqqiffiusumik ilinniakkamik ingerlatsisut tamakkerlutik 29 pct.-ii nunami allami ilinniartuupput. Ilinniakkap naammassereernerata kingorna ilinniartut ilaat angerlartarput, ilaalli nunani allaniiginnartarpuit.

Nunani allani ilinniartut

Piffissami 2003-miit 2022-mut inuussutissarsiornermi ilinniakkamik naammassinnereernerup kingorna ukioq siulleq ilinniartut agguaqatigiissillugu 63 pct.-ii suli nunani allani najugaqarput. Taakkunanna 21 pct.-it ingerlariaqqillutik ilinniartuupput. Amerlanertigut ilinniartut bachelorinngorniarnermik naammassinnereernerup kingorna kandidatinngorniarnermik ilinniaqqittarput. Titartakkami 1.-imittaaq takuneqarsinnaavoq ilinniakkamik naammassinnereernerup kingorna ukiuni siullerni marlunni ingerlariaqqiffiusumik ilinniakkanik ingerlatsisut amerlanerusut. Ingerlariaqqiffiusumik ilinniakkanik ingerlatsisut annertussusaata appariartornerani Kalaallit Nunaannut utertartut annertussusaat qaffakiartorpoq.

Titartagaq 1. Nunami allami ilinniakkap naammassereernerata kingorna ukiut 1-10 qaangiunnerini nuna najugaq, 2003-2022



Nalunaarut: inuussutissarsiornermi ingerlariaqqiffiusumillu ilinniakkat kisimik pineqarput.


Najooqtaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNBD1>)

Nunami allami ilinniakkamik naammassinnereernerup kingorna ukiumi siullermi ilinniartut 37 pct.-ii Kalaallit Nunaanni najugaqarput. Kalaallit Nunaannut utertartut najugaqalersartullu annertussusaat ukiuni tulliini qaffakkiartortarput. Ilinniakkamillu naammassinnereernerup kingorna ukiut arfineq-pingasut qaangiunnerini amerlanerpaallutik. Tassani nunami allami ilinniakkamik naammassinnereernerup kingorna ilinniartut agguaqatigiissillugu 56 pct.-ii Kalaallit Nunaanni najugaqarput.

Kalaallit Nunaannut utertartut annertussusaat taamaaginnarpoq
 Piffissaq sivisoq najoqqutaralugu sanilliussinermi, ukiut tamaasa nunami allami ilinniakkamik naammassinnittartut amerlannginnerat eqqumaffigineqartariaqarpoq. Nalunaarsuutit ukiuni ataasiakkaani nikerarnernut qajannaannerulersinniarlugit ukiut pingasukkaarlugit agguaqatigiissitsinerit atorneqarput.

Ukiut kingulliit ingerlanerini nunami allami ilinniakkamik naammassinnereernerup kingorna Kalaallit Nunaanni najugaqalersartut annertussusaat annertuumik allannguiteqarsimangilaq. Ilinniakkap naammassereernerata kingorna ukiut siullit 1-2 ingerlanerini annikitsunik assiinngissuteqartoqarpoq. Ukiullu pingajussaanniit naligileqqittarput. Taamaattumik nunanut allanut ilinniariarlutik nuuttartut amerlanerulerlauartut, angerlamut utertartut annertussusaannut tamanna sunniuteqanngilaq.

Titartagaq 2. Nunami allami ilinniakkap naammassereerneranit Kalaallit Nunaanni najugalit annertussusaat; 2006-imuit 2017-imut ukiut pingasukkaarlugit naatsorsukkat




Nalunaarut: inuussutissarsiornermi ingerlariaqqifflusumillu ilinniakkat kisimik pineqarput.

Najoqtaq: Naatsorsueqqissaartarfik – Kisitsaataasivimmi kisitsisit takukkit (<https://bank.stat.gl/UDNBD1>)

Kalaallit Nunaanni ilinniartut

Ilinniartut Kalaallit Nunaanni inuussutissarsiornermi imaluunniit ingerlariaqqifflusumik ilinniarnermik naammassinnissimasut nunami allami ilinniakkamik naammassinnissimasuniit amerlanertigut Kalaallit Nunaanniiginnartarput. Ukiullu qulit qaangiunnerini agguaqatigiissillugu 89 pct.-ii suli tamaani najugaqarput. Ilinniareernerulli kingorna nunatsinniiginnartartut annertussusaat ukiuni tamani appariartorpoq.

Titartagaq 3. Kalaallit Nunaanni ilinniakkap naammassereerneranit ukiut 1-10 qaangiunnerini Kalaallit Nunaanni najugallit annertussusaat, 2003-2022



Nalunaarut: inuussutissarsiornermi ingerlariaqqiffiusumillu ilinniakkat kisimik pineqarpuit.

Najooqtaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNBD1>)

Eqikkaaneq

Tabel 1. Ilinniartut nunami allami ilinniakkamik naammassinnissasut amerlassusaat, 2012-2022

	2012	2013	2014	2015	2016	2017	2018	2019	2020	2021	2022
Inuussutissarsiornermik ilinniarneq	10	21	17	20	21	23	30	21	29	17	13
Ingerlariaqqiffiusumik ilinniarneq	82	87	80	75	90	117	111	96	92	85	74
Katillugit	92	108	97	95	111	140	141	117	121	102	87

Tabel 2. Ilinniartut nunami allami ilinniakkamik naammassinnereerenerup kingorna ukiut 1-10 qaangiunnerini Kalaallit Nunaanni najugallit amerlassusaat, 2012-2022

	2012	2013	2014	2015	2016	2017	2018	2019	2020	2021	2022
Ukioq siulleq	30	44	41	30	46	46	54	37	52	35	31
Ukiut marluk	34	51	40	39	53	56	59	47	56	42	0
Ukiut pingasut	40	50	48	42	56	59	66	57	63	0	0
Ukiut sisamat	41	57	51	50	65	67	69	61	0	0	0
Ukiut tallimat	43	57	52	47	68	74	74	0	0	0	0
Ukiut arfinillit	46	56	50	50	69	71	0	0	0	0	0
Ukiut arfineq-marluk	42	57	52	53	65	0	0	0	0	0	0
Ukiut arfineq-pingasut	46	60	53	54	0	0	0	0	0	0	0
Ukiut qulingiluat	49	64	52	0	0	0	0	0	0	0	0
Ukiut qulit	49	58	0	0	0	0	0	0	0	0	0

Periaaseq

Siunertaq

Nunatsinni ingerlariaqqiffiusumik ilinniakkat amerlanngillat, taamaattumillu ilinniartorpassuit ilinniassallutik nunanut allanut aallartarput. 'Ilinniakkap naammassereernerata kingorna nuna najugaq' saqqummersinneqarnerani siunertaavoq ilinniartut nunami allami ilinniakkamik naammassinnereernerup kingorna Kalaallit Nunaannut utertartut annertussusaasa ineriartorneranut malinnaanissaq. Kisitsisitigullu paassisutissat nunatsinni inuussutissarsiornermi imaluunniit ingerlariaqqiffiusumik ilinniakkamik naammassinnissimasunik ilaneqarput.

Nalunaarsuutit tunngaviusut

Ilinniakkanut ingerlanneqartunut ilinniakkanillu ingerlatsisunut kisitsisitigut nalunaarsuisarfinnit nalunaarsuutit atorneqarput, kiisalu piffissami 2003-miit ullumikkumut inunnik nalunaarsuisarfimmit nalunaarsuutit. Ingerlariaqqiffiusumik ilinniakkani ilinniaqqiffit naatsut, bachelorinngorniarnerit/professionsbachelorinngorniarnerit kandidatinngorniarnerillu pineqarput.

Periaaseq

Ilinniartut ilinniakkamik naammassinnissimasut nalunaarsuutaat ulloq 31/12 tunngavigalugu nunani allani ilinniakkamik ingerlatsisut nalunaarsuutaannut kiisalu inunnik nalunaarsuisarfimmi ulloq 1/1 nalunaarsuutinut ataatsimoortillugit ingerlatinneqarput.

Ukiumi x-imi ilinniakkap naammassereernerata kingorna ukiumi siullermi, inunnik nalunaarsuisarfimmi ukioq x 1-imik ilallugu (+1) naatsorsorneqarpoq, ilinniartunullu ilinniakkamik ingerlatsisunut ukiup x-ip naanera tunngavigalugu naatsorsorneqarluni.

Nunamut najukkamut naatsorsuineq:

Kalaallit Nunaanni

Inunnik nalunaarsuiffimmi nalunaarsorsimasut nunamili allami ilinniakkamik ingerlatsisutut nalunaarsorsimanngitsut.

Nunami allami

Inunnik nalunaarsuiffimmi nalunaarsorsimanngitsut, ilinniakkamillu ingerlatsisutut nalunaarsorsimanngitsut.

Nunami allami
– suli ilinniartut

Nunami allami ilinniakkamik ingerlatsisutut nalunaarsorsimasut.

Inunnik nalunaarsuiffimmi nalunaarsorsimanngitsut aamma toqoreersimasinnaapput. Taamaattoqartillugu nunami allami najugalittut kisitsisini ilaatinneqarput.

Naatsorsuineq

Ilinniakkap naammassereernerata kingorna nunamut najukkamut kisitsisitigut paasissutissat ilinniakkamik naammassinnereernerup kingorna ukiut 1-10 qaangiunnerini Kalaallit Nunaanni, nunami allami imaluunniit nunami allami ilinniaqqillutik najugalinnik naatsorsuinruvoq. Kisitsisinilu nunami allami aammalu Kalaallit Nunaanni inuussutissarsiornermi ingerlariaqqillunilu ilinniakkanik ingerlatsisut katillugit naatsorsorneqarput.

Killiliinerit erseqqissagassallu

Ukiut ataasiakkaat tunngavigalugit sanilliussinermi, ukiut tamaasa nunami allami ilinniakkamik naammassinnittartut amerlannginnerat eqqumaffigineqartariaqarpoq.

Inuk ataaseq naatsorsuutini arlaleriarluni ilaasinnaavoq. Assersuutigalugu ilinniartoq 2010-mi bachelorinngorniarnermik naammassinnissimaguni kingornalu 2012-imik kandidatinngorniarnermik naammassinnissimalluni.

Siornatigut saqqummersinneqartumi inuussutissarsiorermik ilinniarnermut ilanngunneqartarsimapput “Merx I” aamma “Merx II”. Saqqummersitami 2021 aallarnerfigalugu inuussutissarsiorermik ilinniarnermut ilanngunneqassaarput taamaattumik “Merx I”-imik aamma “Merx II”-mik naammassinnittut kisitsisitigut paasissutissanut ilanngunneqassaassapput.

Ilisarnaatinut nassuaatit:

- ... Paasissutissat pigineqanngillat
- .. Paasissutissat nalunaarsussallugit qularnarpallaarpuit mianersuuttariaqarpulluunniit
- . Sulip piissusia tunngavigalugu kisitsisit saqqummersinneqarsinnaanngillat
- 0 Uuttuutigineqartup affaanit minneruvoq
- Nul
- * Kisitsisaagallartoq kisitsilluunniit eqqoriarneqartoq

Saaffiginniffissaq

Samo Nielsen

E-mail: snie@stat.gl

Ilinniartitaaneq

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70
www.stat.gl · e-mail: stat@stat.gl

